

Sìndigu baby: a Barrali partit sa campagna eletorali

(de S'Unioni Sarda de su 22 de Donniasantu - Severino Sirigu)



S'aberrit a manera uficiali sa campagna eletorali po s'elezioni de su Baby sìndigu de Barrali.

Su 15 de mesi de idas, in sa biddixedda in sa làcara intra Trexenta e Parteolla, s'ant a fai is eleziosis de su sìndigu de is piciocheddus, su progetu de educatzioni cìvica ca s'amministratzioni comunali promovit de ses annus cun sa collaboratzioni de is scolas de sa bidida.

"Is alunnus ant a dèpiri intrai in su sègiu eletorali, ca po s'ocasioni at a èssiri su pròpriu ca si portat candu a votai funt is mannus, e votai su rapresentanti insoru ", spiegat su sìndigu Fausto Piga.

A votai ant a èssiri tzerriadas sa de cuatru e cincu classi elementari, sa prima, sa de duus e tres classi mèdia.

Is consilleris comunalis de is piciocheddus ant a èssiri is rapresentantis de dònna classi eligius in prus de su primu-baby citadinu, scerau sèmpiri intra totus is scientis.

Su progetu tenit su scopu de pònniri in mesu is piciocheddus in sa vida pùbblica de sa bidida, favorendu sa partecipatzioni insoru a is problemàticas ca ddus podint pertocai de acanta gràtzias a su raportu confidentziali cun is amministradoris comunalis.